



1701

H. XIII. II.

Liber
Novo Tacin.
937/VI.

Henrici Nicolai.

1. Disputatio de Potentia in rebus.
2. Diss. de Synonymo et Paronymo.
3. Gymnasium Logicum.
4. Tractatus de Pane edit. 1644.
5. Gerethlia five Natalitia ed. 1642.
6. Dehincatio Colloquii inter Valerianum Magnum, Capuccinum
et Henricum Nicolai.
7. Erklärung des Christl. Catech. IV. 4. Secunda editio.
8. Anatomie Papiſmi impietatis Jesuitici.
9. Natſurlich Veleger Kundſchafft bey der Logik Logicaeque Henrici
Nicolai geſaltam.

D. O. M. A.
GENETHLIA

Sive Natalitia.

Hoc est,

DE

NATIVITA-
TE Servatoris no-
stri JESU CHRISTI

EXERCITATIO SINGVLARIS.

Quæstiones nonnullas Theologicas, Chro-
nologicas, Historicæ, Physicæ, & Philologi-
cas, breviter & Scholasticè de eâ
evolvens.

Authore

HENRICO NICOLAI,

Phil. apud Gedanenses Professore
Publico.

DANTISCI, Typis GEORGI RHETI exscripta.

Anno post natum Servatorem

M. DC. XLII.

Magnifico, Nobilissimo, atq; Amplissimo Viro,

Domino

CONSTANTINO FERBERO,

Patritio Vetustæ apud Gedanenses familiæ Clarissimo, Reipublicæ Patriæ ProConsuli meritissimo, & Proto-Scholarchæ spectatissimo. Dn. & Patrono suo
Observandissimo,

S. & Observantiam,

PAtere, *Magnifice ac Nobilissime Vir, Patrone & Mæcenæ observandissime*, ut exiguo pagellarum aliquot opusculo amplissimum nomen tuum pro vmbone prætexam. *Miscella* quæstionum sunt, Theologica, Philosophica, Philologica, de *almâ Servatoris nostri nativitate* occurrentia, strictim breviterq; expedita. Serò & extra diem procurant: Cum *Pasfionalia* requirant præsentia. Non excuso. Ac *Iyrraxis* interveniens luat, quam nosti. Principium operæ Theologicæ esse potest, si annuis: Et succedent, juvante *Iehovâ*, *Pasfionalia*, *Paschalia*, *aliaq; id genus*. Finis, si fecus. Totanè Theologicis occupetur *Syllogæ*, ut *livor susurravit*, tuo ipsius arbitrio commissum esto. In parato erit, aut stare eo, aut cadere. Res ipsa, tractatio, plurimaq; quæstio *Chronologica*, *Historica*, *Physiologica*, de sequiore futurum convincet. Qualiscunq; sit, tuo patricinio non indignam æstimare velis, summo perè rogo. *Ampliare argumento* Te occupare destinaveram. Sed *Respondentium* oportunitas nondum facere permisit. *Præambulonem* interea pagellæ hæ agant, dum majora parare liceat. **DEVS M. T. D.** inter hos ævi fluctus diutissimè servet incolumen, ac bono *Gymnasio* feliciter, quod agit, succedere largiatur. **B. V.** Vir *Magnifice*, & favore mei persiste. **E Gymnasio nostro, Pridiè Idus Martias. Anno M. DC. XLII.**

M. & N. A. T.

Observantissimus

Henricus Nicolai,
Gymn. Prof.

Hoc est,
te S



cha, Mact
celebrarun
Cyri test
brarunt. S
vare exper
stianis fia
40. Gen. n
epulâ, con
bus, non
natalitia
runi, &
solet. Sic
patru sui

GENETHLIA
Sive
NATALITIA

Hoc est, Quæstionum quarundam de Nativitate
Servatoris nostri J. C. brevis & Scholastica
Elucidatio,

THESIS I.



Natalium annuas recursiones solemnè
aliquâ festivitate recolere antiquis populi usi-
tatum fuit: nec nostris moribus & tempori-
bus in desuetudinem abiit. Pharao Aegypti Rex,
Gen. 40. v. 20. *Antiochus Epiphanes Syria*
Rex, 2. Maccab. 6. v. 7. Herodes Iudæa Terrar-
cha, Matth. 14. v. 6. Marc. 6. v. 21. Persæ & Medi natalia
celebrârunt, Vt Plato in Alcibiade, & Xenophon in pæd.
Cyri testantur. Equites Romani natalem Augusti biduo cele-
brârunt. Sueton. in Aug. c. 57. Hodiernum morem idem ser-
vare experientia nostri temporis testatur. Licitenè id Chri-
stianis fiat, quæri solet. Et in negantem abis Pererius in c.
40. Gen. n. 11. *Ac prout communiter Natales celebrari solent,*
epulis, comessationib. luxurie, lascivia, choreis, scurrilitati-
bis, non licitè illi Christianis celebrari possunt. Sic n. Impij
natalitia celebrare solent, ut Pharao & Herodes olim fece-
runt, & infelix interdum talium celebrationum exitus esse
solet. Sic Salvium Coccejanum, quod Othonis Imperatoris
patri sui diem natalem celebrasset, Domitianus occidi iussit.

A

Sueton.

Sueton. in Dom. §. 10. Confidius Proculus natalem diem celebrans in curiam captus, pariterq; damnatus & interfectus sub Tiberio est. Tacit. 6. ann. c. 3. Christianus natales re-
 Etè pijs precibus celebrabit, non comesationibus, & imperantia, non luxuriâ. Dies enim nostræ nativitatis est dies humanæ fragilitatis: & nasci in mundum est in omni miseria induci theatrum. Gratia sunt DEO agenda pro vitalis aure concessâ usurâ, ac beneficijs ab incunite aetate exhibitis. Rogandus est, ut praterita regat, presentia regat, & futura secundet. In Natali etiam die cogitandum de emortuali, ac ut is aeterna lucis natalis sit, optandum & procurandum est.

2. Quidquid autem de hominum natalibus celebrandis sit, Unus in orbe hominis alicujus DEI & DEI hominis natalis est, quem perpetuâ festivitate merito omnes Christiani devotè quotannis recolunt, Servatoris nostri Jesu Christi natalis. Hic enim *ipse* natalis est, in quo editus is, per quem salus nobis reducta, annuntiata, oblata, collata, confirmata, & obsignata est, ac quotidie adhuc confertur. Cum extra hujus Servatoris nomen in nullo alio nomine salus nobis evenire possit. Act. 4. v. 12. De hoc die natali verè dici potest cum Davide, Hæc est dies, quam fecit Dominus, Exultemus & lætemur in eâ, Psal. 118. v. 24. Est hæc dies sanctificabilis, venerabilis, salutaris, memorabilis, ac admirabilis. Est dies lætitiæ in ortu regali: Nam processit hodiè de ventre virginali, puer admirabilis, totus delectabilis, in humanitate, &c. ut d. canit Ecclesia. De hoc natali, quem nuper in Ecclesiâ cum Ecclesiâ recolimus, Scholasticè ipsis aliquot nonnulla dicturi, ut ordine aliquo in totâ tractatione procedamus, ac cancellos, quibus tractatio nostra coercetur, nobis præfigamus, distinctè de antecedentibus, connexis,
 & con-

& consequ
 qualia in q
 commodus
 nato Serv
 bus mem
 sistere sole
 3. Pr
 vitatis Ch
 ti rei tra
 Nativitas
 homo D
 virgine M
 cus est, M
 rus, & a n
 turus. De
 sent, si e
 ratio si o
 vente cur
 prie dicta
 equivoca
 ejus term
 homo sit.
 minem, u
 exhausti
 turalis &
 rali per s
 propria.
 um sibi p
 Psal. 2. v
 Vel de Sp
 nem in s

& consequentibus Nativitatis Christi nonnulla trademus, & qualia in quaestionem hic venire queant, movebimus, ac quid commodissime de illis sentiri queat, brevi decisione, juvante nato Servatore Nostro J. C. subjungemus. Prout in istis tribus membris maxima singularium thematicum tractatio consistere solet.

3. Priusquam ad constituta pergamus, definitio Nativitatis Christi pramittenda fuerit, ut commodius lumen totius rei tractationi praeferatur. Nativitas nempe Christi est Nativitas humana, extraordinaria & supernaturalis, quâ homo DEUS & DEUS homo de Spiritu S. conceptus ex virgine Mariâ prædicto à Prophetis tempore in lucem editus est, Mediator DEI & hominum in causâ salutis futurus, & à maledictione legis, ac irâ DEI mortales liberaturus. Definitionis explicatio & partes ex sacris abundè patens, si explicari necessum sit. Nativitas dicitur, h. e. generatio s. origo, processus, & egressus substantiae viventis è vivente cum essentia communicatione. Talis n. generatio proprie dicta & univoca est, qualem hic intelligimus. Cætera equivoca & impropria sunt, ut post patebit. Humana, quia ejus terminus homo est, qui per eam ortus, etsi non merus homo sit. Ut distinguatur ab eâ generatione, qua non ad hominem, ut ad terminum fit. Universim n. generationem exhauriendo vel supernaturalis & mystica ea est, vel naturalis & Physica. Supernaturalis, quæ in Circo supernaturali per supernaturalem vim procedit. Estque propria & impropria. Propria, quâ Deus ex substantiâ suâ ab aeterno filium sibi proprium & consubstantialem ineffabili modo genuit. Psal. 2. v. 7. Prov. 30. v. 4. Mich. 5. v. 2. Hebr. 1. v. 5. c. 5. v. 5. Vel de Spiritu S. ex Mariâ virgine Christum secundum carnem in tempore produxit, Matth. 1. Luc. 2. Impropria, quâ

spiritualiter per verbum sibi fideles in Christo gignit, ut filij sui adoptivi sint. eiq; serviant. Zacch. 9. v. 17. Ephes. 1. v. 5. 1. Pet. 1. v. 23. 1. Joh. 5. v. 4. Jacob. 1. v. 18. Vel extraordinariè quosdam in temporalem aliquam prerogativam arrogat, qui inde filij ejus dicuntur. Quomodo Israëlitæ primogenitus ejus filius dicuntur, Exod. 4. v. 22. 23. Jerem. 31. v. 9. Hofe. 11. v. 1. Naturalis, quæ in circo Natura per Vim naturæ procedit. Estq; vel plantalis, quæ planta producitur, Vi cum arbor arborem, frutex fruticem gignit: Vel animalis, quæ animal oritur. Hæc vel brutalis est, quæ brutum producitur, ut cum leo leonem, Canis Canem gignit: Vel humana, quæ homo gignitur. Talis nostra nativitas est, quæ Christus homo genitus est, quæ humana dicitur, quia ex homine, ad hominem, in homine, propter hominem, cum homine, & circa hominem est, ac hominis alicujus est, non plantæ vel bruti, & si extraordinaria & supernaturalis sit, ut antè dictum: Vel prorsus æquivoca, quæ inter diversas rerum species est, ut cum sol ranam aut murem ex putredine produxit. Hæc huc non pertinet.

4. Definitione præmissâ primum in tractatione nostra Membrum Antecedentia Nativitatis Servatoris nostri continebit. Quæ hic ea sunt, quæ tempore nativitatem ipsam antecesserunt. Qualia distinctionis gratiâ in Biblica & Ecclesiastica partiri possumus. Biblica sunt, quæ in Biblico Codice expressa sunt. Hæc vel in V. vel N. T. continentur. Ex Veteri triplicia hic esse possunt: Vaticinia, Typi s. figuræ, & historiæ nonnullæ. Ex vaticinijs primum est classicum illud Gen. 49. v. 10. Non auferetur sceptrum de Judâ, &c. De quo quaritur, an de Mesiâ id agat, ejusq; ortu, nativitate, & nativitatis tempore? Et, an de Christo hæc verè explicentur? Antecedens Judæorum quidam negant,

gant, ut
dam de
be Silo in
nosore mi
partim a
eo loquitur
tanta vel
ni peculia
tum con
ventura p
fuerit, se
ges terra
ut testimo
clisimoru
Helvicum
c. 9. seq
plementu
Indæ ab
batum per
Christi la
S. 15. non
num erat
ministrab
lymitanun
tirparat.
autem na
liqua uni
pse fuit.
5. Se
ante Luc
mè, cum

gant, ut evidentiam Prophetia effugiant aut eludant. Et quidam de Davide primo rege ex tribu Iudâ explicant, alij de Urbe Silo in tribu Ephraim, ubi arca fuerit, alij de Nabuchodonosore mittendo, alij de alio explicant. Sed hac vanissima esse partim artificiali argumento constat, quia nempe Iacob de eo loquitur, Cui obœdientia populorum erit, hæc autem non tanta vel in Davide, vel Nabuchodonosore, vel Silo urbe fuit, ut peculiariter à tanto Patriarchâ morti vicino, testamentum condicuro, & emphaticè suis ac posteris eorum eventura per spiritum Prophetiæ prædicturo, memoranda fuerit, sed Mesfiâ, Cui omnes populi servierunt, & quem reges terra adorârunt, Psal. 72. v. 8. seq. Partim inartificiali, ut testimonio Paraphrasium Chaldaarum, & Rabbiorum doctissimorum, quibus Iudei refragari non possunt, qualia apud Helvicum T. 4. Gies. d. 12. & D. J. Mart. l. 3. de trib. Elohim c. 9. seq. vide. De Christo autem verè hæc explicari complementum historiae aperte docet. Erat enim tum sceptrum à Iudeis ablatum, cum Romanorum imperio subditi esse, & tributum pendere cogentur. Sive enim Herodes Rex tempore Christi Iudeis imperans alienigena, sive Iudeus fuerit, de quo §. 15. nonnulla: regnum tamen ejus, quo fungebatur, Romanum erat, & Romano nomine ac auctoritate à Romanis administrabatur, ac Herodes ipse summum Synedrium Hierosolymitanum, maxima apud Iudeos auctoritatis, funditus extirparat. Sicq; regnum à Iudeis omninò ablatum erat. Tum autem natus inter cætera Christus, & attributa Messia reliqua universa ipsi competunt. Verus ergò Silo & Mesfiâ ipse fuit.

5. Secundum vaticinium Psal. 110. v. 3. est, Ex utero ante Luciferum genui te, ut Vulgatus vertit. Sed vitiosissimè, cum ex Hebraeo, ex utero ex aurorâ tibi ros genera-

tionis tuæ, *verti debeat.* Papistæ *Vulgatum defendentes audacissimè ipsum textum Hebraum corrigere, punctaq; ejus mutare audent.* Vt Bellarminus Comm. in hunc Psal. *Queritur, de quâ nativitate Christi locus loquatur, an æternâ, an temporariâ ex Maria? Papistæ ad priorem cogunt. Rectius de posteriori accipitur, cum Augustino in Psal. Justino Dial. cum Tryphon. & Tertulliano l. 5. c. Marcion. Tarnoviop. 122. ex: Biblicar: hoc sensu: Ex utero ex aurorâ superna Spiritus S. ros nativitatis tuæ, proventus tuus occultus, prout ros occulto & specialiter inexplicabili modo ex cœlesti imprægnatione oriur: Sic tu mirabili modo ex imprægnatione Spir: S. conceptus & natus es.* V. Matt. 1. v. 18. Luc. 1. v. 35. *Vel commodius adhuc de fecunditate spiritali filiorum DEi accipitur, quòd instar rovis matutini mysticè & copiosissimè illi ex Christo generandi sint, quomodo ros occulto modo oritur, totamq; terram regit, non de ullâ Christi ipsius nativitate. Quomodo & Lutherus ad illum sensum reddidit, keine Kinder werden dir geböhren / Et contextus ipse admodum concinnè admittit.*

6. Tertium Mich. 5. v. 2. est, *Vbi exortus Messia inde à principio à diebus seculi esse plurali numero dicuntur. Queritur, de quâ Christi nativitate hoc accipiendum? Photiniani de humanâ accipiunt, & divinam negant, quam absurdam & Deo indignam judicant.* Vide Socinum libro quòd Evangelici, p. 34. Ostorodum c. 7. Instit. §. 1. Smalcium l. 2. d. error. Arianor. c. 17. aliosque. Alii de utraq; intelligunt, quòd plurali numero exortus vel generationes dicantur. Alii de varijs Christi sub V. T. apparitionibus & manifestationibus, Vt Junius & Piscator in h. l. Alij de divinâ sanium accipiunt. Et hoc rectissimè. Hac enim proprie ante principium rerum, & ante dies seculi esse dici potest, & parti-

cula

cula D op
 Prov. 8. V
 nativitas
 ra usus est
 na istius g
 tione per
 enim, qui
 rum unita
 Miscell d.
 plurali nu
 mis plural
 Job. 40. v
 7. Si
 Primus ty
 tum in de
 sum, spi
 Tract. d. l
 & product
 Mariâ dic
 na ex mate
 vi, omnib
 ritus S. con
 ne, modo
 tute, om
 tium & ep
 mnem bon
 tem, Joh. 1.
 malitiam
 Tenebra e
 gis dilexer
 V. loc. cit

cala D optimè per ante redditur, ut in sacris frequens est. V. Prov. 8. v. 23. 24. Psal. 90. v. 2. Pf. 93. v. 2. Cum humana nativitas in tempore facta. Plurali autem numero Prophe- ta usus est ad excellentiam & eternam continuationem divi- na istius generationis notandam, quâ velut eternâ propaga- tione perdurat, semper perfecta, semper continuata. Eterna enim, quia omnibus temporarijs coexistunt, velut multi eor- um unitate sui & nobilitate equipollere possunt. Vt dec. I. Miscell. d. I. c. 42. dictum. Vnde Scriptura aeterna interdum plurali numero describit, cum unica sint: & in rebus maxi- mis plurali pro singulari uti solet. Psal. 88. v. 7. Prov. 9. v. I. Job. 40. v. 10. Tren. 3. v. 22. Rom. 12. v. I. & alibi.

7. Sic Vaticinia fuerunt: sequuntur Typi & figuræ. Primus typus Manna Israëlitarum divinitus subministra- tum in deserto per 40. annos est. Quod analogiam ad Chri- stum, spirituales panem & cœlestem, multiplicem habuisse Tract. d. Pane l. 2. §. II. ostensum. Hic breviter generationem & productionem ejus typicè notasse generationem Christi ex Mariâ dicendum, ejusq; analogia deducenda. Ut ergo Man- na ex materiâ cœlesti, purissimâ, occulto modo, divinâ vi, omnibus Israëlitis suppeditabatur: Sic Christus ex Spô- ritus S. conceptione, purissimo Virg. Maria semine & sangui- ne, modo supernaturali, cœlesti, & admirabili, divinâ vir- tute, omnibus omninò hominibus, est natus, quantum ad pre- rium & efficaciam à DEO intentam, tanquam vera lux om- nem hominem illuminare debens, in hunc mundum venien- tem, Joh. I. v. 9. Etsi quantum ad fructum & eventum facto ob- malitiam hominum paucis ea efficacia salutariter applicetur. Tenebra enim non recipiunt istam lucem, & homines ma- gis dilexerunt tenebras, quàm lucem, v. 5. & c. 3. v. 19. V. loc. citat. Secundus typus Virga Aaronis fuit, unâ nocte divi-

divinitus fecundata & amygdalas ferens. Num. 17. v. 8. Tertius generatio Simsonis, Jud. 13. Inter quem & Christum multiplex analogia institui potest, partim in Nativitatis predictione, partim nativitatis constitutione, partim in vita & rebus gestis, partim in morte, Vt alibi copiosius deducitur. Unde quod Christus Nazarenus vocandus dicitur, Matth. 2. v. 23. ad Simsonis historiam alluditur, qui verus Nazareus Dei fuit, Judic. 13. v. 5. Et cui Christus similis fuit.

8. Sic & typi fuerunt. Restant historiae, quae ad Nativitatis Christi respectum aliquem mysticum continuisse putari possunt. Talis est historia Creati Adami, Gen. 1. qui in multis typus Christi fuit, ut secundi Adami, 1. Cor. 15. v. 21. 22. 45. 47. Nati Caini, in quo Virum Dominum, promissum illud mulieris semen, Gen. 3. v. 15. se habituram Eva gloriabatur. Gen. 4. v. 1. Et nati Noachi, in quo solatium Lamechus expectabat, Gen. 5. v. 29. Nati item Isaaci & Iosephi, Gen. 21. & 30. Salomonis & Simsonis, Jud. 13. & 2. Sam. 12. Inter quos & Christum varia analogia assignari possunt, si copiose omnia deducere animus esset.

9. Sic Antecedentia ex V. T. fuerunt. Sequuntur ex Novo. Talia sunt, Annuntiatio de Nativitate hac Maria per angelum facta, Luc. 1. v. 26. Visitatio Maria ad Elisabetham, v. 39. Nativitas Iohannis Baptista, v. 57. Desponsatio Maria Iosepho facta, Matth. 1. v. 18. Profectio Maria cum Iosepho ad Bethlehem, ut ex edicto Caesaris ibi censerentur. Luc. 2. v. 4. De quibus omnibus varia moveri possunt, nisi hic brevitati studendum esset.

10. Sic Antecedentia Biblica fuerunt: Restant Ecclesiastica, quae ex Historicis alijs, quam Biblijs, sunt desumenda. Talia Sibyllarum vaticinia de Nativitate Christi sunt. Sed multis tota hac res est suspecta, quod sermè clarius mysteria Evangelica pradi-

pradixisse
men ante
tur. Unde
Alii tam
M. Eras. S.
§. 10. 11
terp. scri
Delphici
5. hist. c.
tres. Sole
& 30000.
menta est
tonij cla
Ecclesiast
cephoro
dem ex.
11.
connex
multo p
Vt quae
tempus
vel paul
12
Virgine
gant. Ser
semper p
vatio ej
pud Jud
tim Com
aur, ne
30. v. 1

pradixissent gentiles Sibylla, quam divini Propheta, cum sa-
men ante Christum mysteria fidei fermè obscurius traderen-
tur. Unde à Christianis horum multa conficta esse arbitrantur.
Alii tamen contrà sentiunt, & pro veris ea habent. De quo
M. Eras. Schmidt pecul. tract. de Sibyllis, Casaubonus ex. 1.
§. 10. 11. & ex. 2. §. 8. co. Baronium, D. Frantzius d. in-
terp. script. f. 12. alijs legi possunt. Item Oraculum Apollinis
Delphici oclusum, fama de magno DEO nascituro ap. Tacita
5. hist. c. 3. Roma imago virginis puerum gestantis visa, &
tres Soles apparentes, Augustus se Dominum dici vetans,
& 3000. servos libertate donans, & similia. Quae etiam com-
menta esse, & ad necem Caesaris, Augusti imperium, An-
tonij cladem, ac similia, tanquam prodigia pertinere, ac ab
Ecclesiasticis scriptorib. satis interdum fabulosis, Eusebio, Ni-
cephoro, Orosio, Platinâ, ad Nativi. Christi rapta esse I-
dem ex. 1. §. 12. ostendit.

11. Ita Antecedentia Nativ. Christi fuerunt: Sequuntur
connexa, quae hic ea, quae tempore simul cum eâ, aut non
multò post eam contigerunt. Talia ordine distingui possunt,
Vt quaedam matrem, alia natum, alia Spiritum S. alia
tempus & locum Nativitatis, alia gesta quaedam circa eam
vel paulò post factam observata, attingere dicantur.

12. Quae matrem concernunt, haec esse possunt. 1. An ex
Virgine nasci debuerit Christus? Judaei pertinaciter ne-
gant. Sed Esai. 7. v. 14. aperte scriptum est. Et vocem Almah
semper puram & incorruptam Virginem notare, partim deri-
vatio ejus ab עַלְמָה, occultavit, Occultabantur n. Virgines a-
pud Judaeos, nec in publicum prodibant, 2. Macc. 3. v. 19. par-
tim Concordantia Hebraea docet, in quâ nusquam aliter sumi-
tur, nec exemplum in contrarium invenitur, nec locus Prov.
30. v. 19, adversatur, qui optimè de purâ Virgine explicari

potest. 2. An in partu verè Virgo manserit? Hoc ex Esai. c. I. Matth. i. v. 23. & Luc. i. v. 34. 35. satis patet. 3. An utero clauso pepererit, an aperto? Quæstio de modo rei est, quæ ad ipsam fidem non pertinet, dum è Virgine Natum confiteamur. Scriptura hic tacet, & Patres diversi sunt. Evangelista vulgariter natiuitatem Christi narrant, & extra Scripturam non temerè sunt fingenda miracula. Nec aperto uterò virginitatem tollit, sed coitus & viri cognitio, Luc. i. v. 34. V. tr. d. eff. alie. l. 4. §. 89. 4. An & post partum perpetuò Virgo manserit, ex voto virginitatis præstito? De voto virginitatus Scriptura nihil habet. Mariam perpetuò Virginem mansisse credibile est, non tamen omninò certum, & res ipsam fidem non concernit. Helvidius, Joviniani, Ebionæi, Eunomiani, olim negarunt ex particulâ donec, & quòd primogenitus Mariae Christus dicatur, Matth. i. v. 25. Sed neutrum quidquam probat, ut usus Scripturæ in talibus ostendit. Gen. 8. v. 7. I. Sam. i. v. 35. 2. Sam. 6. v. 23. Exod. 4. v. 22. Colofs. i. v. 18. Heb. i. v. 6. Apoc. i. v. 5. 5. An verè ex familiâ David fuerit, ut ob eam & Christus verè ex istâ tribu ortus sit? Photiniani negant, ut Smalcus l. d. divin. Christ. c. 3. & refut. Smiglecij par. 2. c. 18. Item gentiles, ut Julianus, Celsus, Porphyrius, & Manichæi, ut Faustus, aliique. Sed Scriptura expressè Christum ex Iudâ ortum dicit, Gen. 49. v. 10. Hebr. 7. v. 14. Et ex semine David esse ait, 2. Sam. 7. v. 12. Psal. 132. v. 11. Luc. i. v. 32. Rom. i. v. 3. Quod aliter nisi per matrem fieri non potuit, cum ex Josepho ortus non sit. Ipsi etiam Photiniani ex tribu Iudâ eum esse confitentur, ut Smalcus p. 2. refut. c. Smiglec. c. 17. p. 152. Ac multorum Patrum constans hac est opinio, ex regiâ tribu fuisse. Quanquam alii ex Levi esse potuisse existimant, ut Casaubonus ex. i. §. 13. c. Baron. notat. Quod tamen Scriptura conveniens non est, ut visum.

13. Q
 turalis &
 tiniani, et
 eum esse f
 animadv
 Smalcii c.
 cont. Mie
 minore, a
 eundemq;
 eorum seft
 I. Omnis
 essentialis
 etio proba
 est Dei Pa
 cius in ex
 211. 212.
 aliique,
 ut nos su
 specifica in
 mur. E. n
 tia, sicq;
 illum D
 I. v. 3. C
 ad Patren
 plicatione
 8. 9. 13.
 Cum in
 effugium
 lis Deus
 eris ita t
 per de e

13. Quæ Natū attinent, sequentia esse possunt. I. An naturalis & sumus ille DEus sit, qui ex Mariâ natus sit? Photiniani, *etsi verum, magnum, & benedictum in secula Deum eum esse fateantur, Vt ex Socini cont. Wiek. & Bellarm. animadversionib. Polnaniensib. & defensionib. illarum, Smalcii c. Smiglec. Frantziū & Grauerum, Nicolaide cont. Miedzibozium, Catechismo Racoviensi majore & minore, aliisque patet: summum tamen & naturalē Deum, eundemq̄, qui Pater sit, ad unum omnes negant, ut scripta eorum testantur.* V. tract. d. esse alicubi, f. 4. §. 76. Verūm I. Omnis filius naturalis & propriè dictus Patri suo est coessentialis, vel ejusdem cum eo natura & essentia. Hoc inducitur probat, aut instantia in oppositum detur. Sed Christus est Dei Patris naturalis filius, ut Photiniani concedunt. Smalcius in exam. 157. error. p. 4. Socinus c. Wiekum c. 5. p. 211. 212. 219. Pifecius in notis ad append. Vilcovian. p. 20. aliiq̄, Et propriè dictus. Rom. 8. v. 32. Non metaphoricus, ut nos sumus. E. Patri suo coessentialis. Non autem essentia specifica in DEo locum habet, quod nos cum Photinianis fatemur. E. numerica, & ejusdem numero cum Patre est essentia, sicq̄ idem ille, qui pater, Deus. II. Scriptura Christum illum Deum esse tradit, qui cælum & terram creavit. Joh. 1. v. 3. Colof. 1. v. 16. 17. Hebr. 1. v. 1. Et in hoc quidem non ad Patrem acclamationem, sed de filio explanationem & applicationem Psalmi 102. esse rextus totus evidenter docet, v. 8. 9. 13. Nec de Patre loquendi hic causa aut occasio ulla fuit: Cum in filij eminentiâ deducendâ totus auctor sit, ut ad hoc effugium recurrere in hoc loco admodum frivolum sit. Sed talis Deus est summus & naturalis ille Deus. Cui Creatio in saceris ita tribuitur, Vt nulli creatura unquam adscribatur, semper de eâ negetur. V. Job. 38. v. 4. Esai. 40. v. 26. 28. c. 42.

v. s. c. 45. v. 12. 18. Jerem. 10. v. 11. 12. Zacch. 12. v. 1. Et in eo magnum contra Controversiam illud pietatis mysterium collocat, quod summus ille DEus in carne manifestatus sit, 1. Tim. 3. v. 16. E. & Christ. summus ille DEus. 2. An promissus ille mundi Messias sit? Hoc Judæi pertinaciter negant. Sed attributa & vaticinia omnia de Messia in V. T. predicta in Christum appositisimè quadrant, nec in ullum alium ita quadrare à Iudeis ostendi possunt: Ac exhibitivè Messia tempus dudum præterijisse finis 70. septimanarum Danielis c. 9. v. 24. immotè ostendit, quarum principium undecunq; ducas, suppunitio elapsas esse apertè ostendet. 3. An ob mirabilem conceptionem & Nativitatem ex Virgine, Dei filius dicatur? Sic omninò Photiniani volunt, ex Luc. 1. v. 35. Sed Scriptura genitum eum ante secula docet, Miche 5. Vide §. 6. Et in principio Creationis jam apud Deum fuisse, ac omnia per ipsum facta esse, Joh. 1. v. 23. Et à DEo in principio verarum, & ab æterno, & ante terram fundatam possessum esse dicit, Prov. 8. v. 22. seq. Nec Luc. 1. ratio redditur, Cur Christus præcisè filius DEi sit: sed unde talis agnosci, vocari & denominari à fidelibus debeat, quod nempe sit Emmanuel, Esai 7. v. 14. Et tò ideo ad omnia precedentia v. 31. 32. 33. respicit, in quibus & aeterna filiatio, quam è generatione Patris aternà habet, includitur. 4. Quomodo Nativitatis terminus, an ut DEus, an ut homo, an ut ex utroq; compositus? Propriè tanquam suppositum ex utroq; compositum, quomodo actiones & passiones, ut nasci, generari, propriè suppositorum sunt. Hinc Immanuel vocatur, qui genitus est, Esai. 7. v. 14. Matth. 1. v. 23. Homo Deus & Deus homo natus, est ut subjectum Quod, sed secundum carnem, ut subjectum quo, Rom. 9. v. 5. Hac enim proximum receptivitatis in geniturà est subjectum. Sic homo moritur ut quod, sed secundum corpus ut quo, hoc n. mortis recipiendæ propriè capax, non anima.

possunt. 1.
 ut materi
 nalis, sed
 dicens; no
 sanguinis
 gans, san
 facultatem
 rerialem p
 nam huma
 Christus, n
 ut potenti
 fecundatio
 scribitur?
 & concept
 ritus a. ca
 Spir. a. S
 Maria, q
 quia digiti
 20. Quà b
 ce innuit
 velut umb
 in Christo
 seipsa hom
 velut per u
 conservans
 sit. Rom.
 ob eam co
 dā & Vorst
 si gignend
 V. Smalci

14. Quæ Spiritum sanctum concernunt, sequentia esse possunt. 1. Quomodo Conceptionis Christi author? Non ut materia, sed ut operans & efficiens: Non ut Causa seminalis, sed virtualis: non ut generans, sed ut jubens & benedicens; non ut Causa materialis, sed ut potentialis, semen & sanguinis partes, unde Christus formandus in Mariâ, segregans, sanctificans, fecundans, & fœrum delineans. Virgini facultatem sine Virili semine concipiendi dedit massam materialem filij DEi depuravit & sanctificavit, naturam divinam humana ad unum suppositum adunivit. De Spir. S. est Christus, non ex illo: aut sc̄ ex illa, non ut ex materiali, sed ut potentiali, non generatione, sed jussione, benedictione, & fecundatione. 2. Cur peculiariter Spiritui S. conceptio adscribitur? Quia multa peculiariter hic egit, ut ante visum: & conceptio ista peculiare caritatis divine indicium est: Spiritus a. caritas Dei dicitur: & naturas ut vinculum univit, Spir. a. S. etiam vinculum Patris & filij dicitur: incubuit Mariæ, quod Spiritui in Creatione tribuitur, Gen. 1. v. 2. Et quia dignus ac potentia Dei est, Matth. 12. v. 28. Luc. 11. v. 20. Quâ hæc conceptio peracta. 3. Cur obumbrationis voce innuitur? Luc. 1. v. 35. Quia Deus, lux incorporea, corpus velut umbram spectabilem in utero assumpsit, gloria divina in Christo velut umbraculo ostensa, 1. Joh. 1. v. 1. 2. quam in seipsâ homines ferre nequissent: ac gratia per eum reducta, velut per umbraculum & refrigerium ab igne consumente nos conservans, ut in Christo contra iram Dei nobis propitiatorii sit. Rom. 3. v. 24. 25. Hebr. 4. v. 16. 4. An Pater Christi ob eam conceptionem dici possit? Huc Photiniani quidâ & Vorstius inclinant, quod materiâ Viri ad corpus Christi gignendum à DEO allatam in hac conceptione suppleverit. V. Smalcium in exam. 157. error. Err. 18. & respo. ad 2.

part. refut. Smiglelij c. 17. Socinum lib. quod regn. Pōlon. p. 36. *Sed Sp. S. non materialis causa, sed efficiens hujus conceptionis fuit, ut q. 1. visum. Pater autem alicujus & efficiens & materiam praebeat. Nec unquam in sacris Christus Spiritus S. filius dicitur, quomodo patrum filij dici solent: Nec ulla actio Sp. S. q. 1. assignata, patris proprietatem & appellationem importat. Ex Mariā natum scriptura Christum tradit, Luc. 1. v. 35. Et fructum ventris ejus appellat, v. 42. ac semen Abrahae, mulieris, Davidis & Abrahae filium vocat, Gal. 3. v. 16. Matth. 1. v. 1. nusquam Spir. S. Unde alij Photiniani negant, patrem ejus dici posse. V. Stegmann. in proba, c. 2. p. 132. 133. Crellium l. 1. d. uno DEo, s. 3. c. 7. Qui Sp. S. ad generationem Christi concurrisse, non ut patrem ait, sed ut id, per quod Deus pater generaverit.*

15. Quæ ad tempus Nativitatis faciunt, sequentia erunt. 1. Quoto mundi anno Christus natus? Mirabilis varietas. Ex sylloge historicâ olim privatim tradita, ubi ex sacris anni mundi continuati sunt, Nativitas Christi in a. M. 4042. incidet. Nam à condito mundo ad captivit. Babylonicam 3416. anni ex sacris colliguntur, Et ab eâ usq; ad Christum natum 626. Qui collecti 4042. annos faciunt, qui est annus Mundi, quo Christus natus. 2. Quoto Herodis anno natus? Iterum hic varietas. Quidam 30. anno natum putant, ex quo scilicet Herodes Rex Judæa proclamatus & constitutus: Alij 33. ex quo nempe actu confirmatus regimen exercuit. Satis est scire, sub Herode natum, est de anno non præcisè constet. 3. Quis Herodes iste & qualis, an indigena & Judæus, an alienigena & Idumæus? Trium Herodum in sacris est mentio. Hujus Matth. 2. v. 1. Secundi, qui Iohannem Baptistam interemit, Matth. 14. v. 10. Tertij, qui Iacobum occidit & Petrum vinxit, Act. 12. v. 2. 3. Primus cognomento magnus

itemq;

itemq; Ap
pa dicitur
tempore e
aut Ascalo
rum legib
Romanum
Synedriu
antiqu. s
Ethiicus
16.
vulgo &
consulatu
lio Cas. 4
totum orb
do Lucas a
antea cont
5. Quo m
lanuary, a
dius c. 21.
hic filie; n
cembri non
cum bapti
re est, non
censum Au
modissimo
verno aut
ser faciend
se putans,
ni, ut Gist
T. 3. Conci
sive Syriæ

itemq. *Ascalonita dicitur*, Secundus *Antipas*, Tertius *Agrippa dicitur*. Herodes Magnus & *Ascalonita est ille*, cuius tempore *Christus natus est*. Deinde *patriâ quidem Idumæus aut Ascalonita*, religione autem & moribus *Iudæus fuit*, quorum legibus se accommodavit. Sed potestas & imperium ejus *Romanum fuit*, & ipse *severissimam tyrannidem in Iudæos & Synedrium Hierosolymitanum exercuit*, ut ex *Josepho l. 14. antiqu. constat*, ut ex eo maxime *Iudæis odiosus fuerit*, ac si *Ethnicus & omninò alienigena esset*. Conf. S. 4.

16. 4. Quo Augusti anno *Christus natus?* 42. ut vulgò & maxime probabiliter sentitur, à primo nempe ejus consulatu numerando. Nam ab interfecto antecessore ejus, *Tullio Cas. 43. fuit*. Eo enim & census iste universalis, super totum orbem Romanum, actus, quem simul in tempore notando *Lucas adducit, c. 2. v. 2. Qualis census universalis nunquam antea contigerat*. Et ita diversitas authorum hic conciliatur. 5. Quo mense & die? *Vulgò 25. Decembris putatur*. Alij 6. *Januaryj*, alij 25. *Aprilis vel Maij*, Alij 24. *Septemb.* ut *Alstedius c. 21. historicæ, S. 1. ponunt*. Res incerta est, & scriptura hic silet, nec hoc scire ad fidem pertinet. *Mediâ hyemè & Decembri non natum esse ex eo pateat*, quòd 30. annorum fuit, cum *baptisatus à Iohanne est, Luc. 3. v. 21. 23. Baptisatus a. vere est*, non mediâ hyeme, ut *circumstantiæ historia docent*: Et censum Augusti super orbem mediâ hyeme, tempore incommodissimo, indictum fuisse *Luc. 2. v. 1. non probabile est*, sed verno aut autumnali tempore id potius convenit, quod ad iter faciendum convenientius. Quidam etiam diem *Solis fuisse putant*, ut *Bellarmin. l. 3 d. cult. Sanct. c. 11. Alij Saturni*, ut *Gislanius in lib. dubiorum*, alij *Veneris*, ut *Surius T. 3. Concilior. Totum hoc incertum est. 6. Quomodo præfide Syriæ Cyrenio natus*, Cum *Verus aut Saturninus tùm præfides*

praefides fuerint, ut Josephus l. 17. antiq. c. ult. & l. 18. c. I. notat, nec ullius Cyrenij sub nato Christo meminit? *Mira hic iterum varietas.* Quidam sic reddendum putant: Prius facta est haec descriptio, quam Syria praef. esset Cyrenius. Sed nec Graeci id ferunt: & longè aliter ad hunc sensum dicendum fuisset, nempe πρωτοτερον τὰ ἡγεμονεύειν. Alij aliter. Tutissimè dicitur, Vel descriptionem hanc universalem fuisse, & in Syria à Cyrenio illam procurante ad eamq. misso, factam, qualis nunquam antea sub Augusto contigerat, adeoq. primam talem fuisse: Vel Cyrenium non quidem ordinarium Syria praesidem aut administratorem fuisse, nec provinciam rexisse, quod Servius Saturninus fecit, nec tributum sub eo solutum fuisse: Sed extraordinarium ducem & procuratorem cum extraordinario imperio missum ad descriptionem capitum & censum faciendum, h. e. fortunas & facultates Iudaorum describendas, Vnde generaliter ἡγεμονεύειν Lucas vocat, quod quamvis superiorem potestatem notat, non precisè praesidem. Et sic descriptio haec sub Cyrenio prima fuit, quia eo procurante & dirigente facta. Nam cum haec scriberet Lucas, jam duæ descriptiones facta erant. Haec, & illa, cujus Act. 5. v. 37. mentio. Ut notaret, quanta haec esset, primam, & sub Cyrenij extraordinariâ praefecturâ factam dicit. Hoc Romanis solemne erat, ita extraordinarios Procuratores mittere, ut ex Justino Martyre, Tacito, ac Tertulliano patet, ut alibi docetur. Josephi auctoritas non in omnibus infallibilis est, ut alibi plenius deducitur. Cum primis in temporum assignationibus non semper sine errore est. Sic Cambysen 6. annos regnasse dicit, l. 11. Antiquit: Cum fermè octo annos regnârit. Templum Onie in Aegypto annis 333. steterit, cum vix 250. steterit, ut Hieronymus in Daniele m. testatur. Et Esaiam structuram istius templi 970. annis

annis, et
 cum vix o
 Josephus n
 & tamen
 de Quirin
 quod mori
 orbem A
 toti imper
 Intelligit
 tem Roma
 totius orb
 Romano.

17. C
 Bethlehe
 celebri u
 Et solet D
 sa sunt, e
 eodem lac
 spirituali
 panis caele
 cundo solo
 miliaribu
 rium dict
 & caelestis
 ficaciâ sub
 2. t. 15. ul
 bem in s
 tradunt,
 be. Hoc
 narration
 sioni, Ma

annus, antequam fieret, prædixisse ait, 7. bell. Judaic. c. 30. cum vix 600. anni fuerint, ut Chronologia ratio docet. Neque Iosephus nati Christi, neq. Magorum advenientium meminit, & tamen ea reverâ tûm facta. Quamquam c. l. 18. omninò de Quirinio aliqua tradit Iosephus. Quamquam in eo fallitur, quòd mortuo Herode factam descr: ait. 7. Quomodo totum orbem Augustus describere potuerit, cum nunquam toti imperarit, ut Parthis, Indis, Medis, Americanis, &c? Intelligitur per Synecdochem orbis Romanus, qui ad mentem Romanorum totus orbis dicitur, quia illi, ut superbissimi, totius orbis & rerum Dominos se existimabant. Vnde Poëta Romanos Rerum Dominos, gentemq; rogatam.

17. Quæ ad locum faciunt, sequentia erunt. 1. Cur Bethlehemi præcisè natus, non Hierosolymis, aut alia celebri urbe? Quia prædictum erat à Prophetis, Mich. 5. Et solet Deus plerumq. contemnere, quæ coram mundo gloriosa sunt, & eligere vilia, 1. Cor. 1. v. 19. seq. David etiam eodem loco natus erat, qui insignis typus Christi, cui hic in spiritali regno succedere debebat. Et spiritalis significatio panis cælestis ad Bethlehem, quæ domum panis sonat, & fecundo solo in Iudæâ sita fuit, ut Hierosolymæ, à qua 2. miliaribus Meridiem versus distita fuisse scribitur, granarium dicta fuerit, apertissimè quadrat: Verè enim spiritalis & cælestis panis Christus est, mundo vitam & merito & efficaciam subministrans, Joh. 6. v. 33. 50. Ut Tract. de Pane s. 2. t. 15. ulterius dictum. 2. An in urbe ipsâ, an extra urbem in speluncâ quadam aut suburbiis natus, ut quidam tradunt, Justinus, Eusebius, Cajetanus, Baronius? In urbe. Hoc enim prophetia quadrat, Mich. 5. & Evangelistæ narrationi, Matth. 2. Luc. 2. v. 4. 6. Et Pharisaorum responsioni, Matth. 2. v. 5. Et rei ipsius conformitati, ac Davidis

præfigurationi respondet. Hic enim in Vrbe natus, & Christi
 typus fuit. 1. Sam. 16. v. 1. c. 17. v. 12.

18. Quæ gesta circa Nativitatem, aut statim post eam
 concernunt, hæc sunt. 1. An circa præsepe Christi bos &
 asinus steterint, & Chr. Dominum cognoverint? Sic in
 Canticone, Puer natus, dicitur, & à Papistis creditur. Sed
 Scriptura nil de hoc habet, & rei natura non fert. Loca Esai.
 1. v. 3. & Habac. 3. v. 1. in alienos sensus detorquentur. Prior
 de naturali bovis & asini cognitione agit, quòd domum & præ-
 sepe heri sui novisse soleant. Conf. Jerem. 8. v. 7. Posterior
 habet, in medio annorum opus tuum vivificas, *Vi &*
Vulgatus reddit. Non, in medio duorum animalium agnosce-
ris, ut LXX. contra Hebraum textum reddiderunt. Patres in-
terdum allegoricè hac de re loquuntur, non ad historiae veri-
tatem, ut inquirentibus patet. 7. An fons in speluncâ, ubi
 Christus natus, eruperit, & casa Bethlehemitica Romam
 miraculosè translata sit? Papistæ iterùm ajunt. Cor: à La-
 pide sanctam Bethlehem Hieronymo sollicitè in Palestinâ qua-
 sitam, Roma sibi inventâ ait, præfat. Comment. in Proph.
 Major. Credo, ad casam hanc Romam translata alludere. Sed
 Scriptura nil hic habet, & otiosorum hominum hæc commen-
 ta sunt, quibuscunq; modis illustrem Domini Nativitatem
 facere volentium. Quibus non fidem temerè adhibere, nec si-
 lente Scripturâ facile miracula cogitare debemus. 3. Quo-
 modo pastores noctu apud greges esse potuerint, cum
 hybernale tempus fuerit, & nocturnum frigus etiam in
 vere in Judæâ asperius esset, Joh. 18. v. 18. Vel incertum,
 hyemale tempus fuisse. S. 16. Vel si fuit, hyems mitissima fuit,
 quomodo & in Angliâ, Belgio, Italiâ, per hyemen armenta
 sub dio manere solent. Alij & ad cyclum Luna recurrunt, ut dec.
 1. Mis. d. 2. t. 16. adductum. 4. Cur Christus natus omnium
 primò

primò Pa-
 cissimi ho-
 subitiores
 priores su-
 tia est: Pa-
 erat, & n-
 ut agnus,
 19. s.
 dam à glori-
 dicitur. Fi-
 runt, qui
 dore sancti
 ne, Luc. 9.
 va ipsi a
 Solem just
 rebatur. M
 in sacris n
 hoc esse ex
 e carcere,
 ex illo fig
 Salvatore
 tem facin
 essent, C
 posset, &
 gendum e
 natum esse
 ceris eve
 relinquer
 alio recli
 à pastorib
 memo scri

primò Pastoribus innotescere voluit? Quia partim *simpli-*
cissimi hominum illi sunt, & ad fidem maximè idonei, cum
subtiliores ad disceptata & diffidentiam ac irrisionem prom-
ptiores sunt: In simplicibus a. DEO cum primis complacen-
tia est: Partim, quia verus spiritualis animarum pastor natus
erat, & verus Dei agnus, qui convenienter primò pastoribus
ut agnus, & gregibus ut pastor, ostendebatur.

19. 5. Qualis fulgor pastores circumdans fuerit? *Qui-*
dam à glorià Domini distinguunt. Sed rectius ipsa gloria Dei
dicitur. Fuit divinus quidam splendor, in quo angeli apparue-
runt, quomodo in miraculosis apparitionibus glorioso splen-
dore sancti se ostendere solent, ut Christus in transfiguratio-
ne, Luc. 9. v. 31. Vt scirent pastores, angelos lucis esse, qui no-
va ipsis annuntiarent, eorū tutius ipsis fidem haberent, ac
Solem justitiæ natum esse cognoscerent, qui luce illustrari me-
rebatur. Maldonatus in h. l. & Beda nuspiam aliàs angelos
in sacris in cœlesti fulgore apparuisse legi ajunt. Sed falsum
hoc esse ex Act. 12. v. 7. patet, ubi lux fulsit cum angelo in
carcere, in quo Petrus captivus detinebatur. 6. Quomodo
ex illo signo agnoscere potuerint pastores, Dominum &
Salvatorem in Civitate David natum esse, quòd infan-
tem fasciis involutum, & in præsepi reclinatum inventuri
essent, Cum id alijs etiam pauperibus infantibus contingere
posset, & ex isto squallore & penurià potius contrarium colli-
gendum esset, nec Dominum, nec salvatorē, miserum istum
natum esse? Signum veritatis in eo est, quòd futura angelus
certiò eventura prædiceret, quali situ & habitu infans adhuc
relinquendus esset, nec à matre aut in ulnas accipiendus, vel
aliò reclinandus, vel à præsepi removendus esset, priusquàm
à pastoribus ita visus & repertus esset. Quod, nisi divinitus,
nemo scire potuit. Conf. 1. Sam. 10. v. 2. Et haud dubiè angelus

itineris comes locum & praesepe ita evidenter demonstravit, ut sine ullo errore pastores & diversorium, & praesepe, certis reperire potuerint, ac sic fidem dictis ac signo suo sufficienter praestitit.

20. *Sic & Connexa Nativitatis Christi fuerunt. Sequantur Consequentia, quae tempore nativitatis secuta sunt. Hac vel propinquiora vel remotiora esse possunt. Propinquiora, quae non ita diu post nativitatem contigerunt. Et 6. sunt. Pastorum Bethlehemum adventus, Circumcisio Christi, adventus Magorum Hierosolymam, & inde Bethlehemum, Purificatio Mariae Virginis, Fuga Christi & parentum in Aegyptum, & caedes infantum Bethlehemiticorum. De his sequentia quari possunt. 1. Cur pastores ipsi Bethlehemum ad videndam nativitatem iverint, cum angelo testi id credidisse satis fuisset? *Vi nempe angeli mandato v. 12. insinuato satisfacere, fidem suam ipsa avrovia roborarent, sic enim fideles solent, V. Exod. 3. v. 3. Et caeteras de ijs, quae ipsi oculis usurpassent, manifestius ac constantius informare possent.* 2. Cur circumcidi voluerit Christus, cum sanctus ac innocens, & Dominus legis esset, Matth. 12. v. 3? *Vi veritatem carnis nobis ostenderet, se ad implendam, non solvendam legem, venisse demonstraret, legi pro nobis se subijceret, cum nobis natus & datus sit, Esai. 9. ac pro nobis peccatum factus sit, 2. Cor. 5. v. 21. Et Iudeis ansam ipsum, tanquam incircumcisum, calumniandi & reprobandi adimeret.* 3. Quomodo cum Prophetia Esai. c. 3. v. 14. conveniat, quod in circumcissione Christus non Emmanuel, sed Jesus vocatus sit? *Judaei hoc urgent, ut non esse verum Messiam inde probent, quod nomine Emmanuelis vocatus non sit. Verum, Vel vocari hic idem est, ac esse, mereri, dignum esse, quomodo per Hebraismum vocari pro esse, haberi, & agnosci, sumi solet**

soles. V. Esai. 8. v. 3. c. 62. v. 4. Jerem. 23. v. 6. c. 33. v. 16. Zacch. 3. v. 8. c. 6. v. 12. Sic Esai. 9. v. 6. fortis, consiliarius, pater eternitatis, Christus vocandus dicitur, quod rei veritate talis futurus, illisq; nominibus jure dignus esset, etsi nullum eorum ut proprium nomen in Circumcisione illi impositum fuerit. Nam qui de Hiskia rege locum sumunt, ut Rabbinis, & Rabbinisantes Christiani quidam, alieni sunt, & ex contextu toto, nominibus assignatis, ac testimonio Rabbenu Haccadosch in libr. Gale Razia, maxime apud Iudaos authoritatis, & Chronologia consulantur. Iam n. natus fuit Hiskias, cum sub regno Ahas haec diceret Esaias, Esai. 7. v. 1. Nam ante regnum Ahas natus fuit. 2. Reg. 16. v. 2. & c. 18. v. 2. Vel vocari generalissimè quocunq; nomine vocari est, non proprio solum & impositionis, sed & appellativo, rei, & quocunq; cognomento. Et sic verè Christus cognomen Emmanuelis habet. Sic Duces & Caesares Romani à provincijs Parthici, Alematici, Dacici, Gothici, cognominabantur: Vel nomen Emmanuel, quoad rem cum ipso nomine Jesu concurrat. Iesus enim Salvatorem populi à peccatis notat, Matt. 1. v. 21. Sed qui talis, eum verè Emmanuelem & DEum nobiscum esse oportet, cum merus homo hominem redimere apud DEum nunquam possit. Psal. 49. v. 8. 9. Cum nec efficaciter intercedere, nec sufficienter solvere, nec totaliter peccatorem servare, nec bona amissa integrè restituere, nec Sathana satis obsistere, nec à malis plenè liberare, nec ad aeternam vitam feliciter deducere possit. Et sic dum Iesus vocatus est Christus noster, virtualiter simul quoad rem contentà & Emmanuel vocatus est: Vel nomen hic intelligitur, non quod publicè in Circumcisione sortiturus esset, sed quo Maria mater ejus specialiter ipsum compellatura esset. De eà enim Propheta id dicit, Iam eà Emmanuelem Christum vocare potuit, etsi aliàs

Iesus in circumcissione vocatus esset. De nomine Jesu plura moveri possunt. Ut, Cur precise illud nomen Christo impostum sit? An sit contractum ex Iehosua? An rectè per aspirationem, Ihesus, scribatur? An rectè à nomine Iesu Iesusta, aut, ut olim, Iesuata, dicantur, ut à nomine Christi Christiani, Act. II. v. 26. Et similia. Sed prolixitatis gratiâ aliò sunt differenda.

21. 4. Circumcissionis festum quàm antiquum sit? Papistæ statim à primordio Ecclesiæ N. T. cepisse putant. Sed in antiquitate & primis 500. annis post Christum vix ejus mentio: Sed Calendarum Ianuarij & octava Nativitatis tantum: Postea novus titulus demum accessit, Octava Nativitatis & Circumcissionis. 5. Cur à Circumcissione potius, quàm Nativitate Christi novus annus inchoetur Christianis? Quia Circumcissionis festum, prout Communi stylo natalia 25. Decembris celebrantur, V. S. 16. precise in Calendarum Ianuarias gentilium incidit, Unde gentes suum annum Christi tempore inchoabant. Ac Cesar & Augustus Calendarium suum omnibus provincijs Romanis imposuerant, & sic etiam Christianis sub Romanis viventibus. Quia ergò ista inchoandi annum ratio recenter tum à Casare introducta, & in sese revertente ad nos Sole, satis commoda esset, ne in Civilibus nimis scrupulosè à gentilium institutis Christiani abhorreere, ipsè in omnibus contrarij esse, aut Ecclesiam primùm plantatam in tempestivè turbare velle viderentur, retinuerunt idem cum gentilibus anni primordium. Civilis autem res est Calendarij alicujus institutio, quia ad ordinem civilem Republica pertinet: Etsi ratione festorum in Ecclesiâ celebrandorù & quodammodò Ecclesiastica, & sic mixti fore esse, dici possit. Et cum gentiliù Calendaris per annos ferè 1600. Christiani annum inchoarunt, donec anno 1582. Gregorius 13. Papa Novo Calendario

alendario
bus prior
vangelic
cepti Nov
rum & C
publ. T. 2
3. d. reg.

22.

pistæ & P
narus, R
gos, non
consiliarij
ut opinio
thores ge
2. Matth.
multos Ca
us ex Bil
isse putat.
pia, sive
angelista
juq. regio
propria, C
ribus Pers
ventus, q
ti Patres,
rum vel s
quæri. Vt
eorum fuer
ciores? C
rint, Nov
bella fueri

alendario introducto, novum anni terminum priore 10. diebus priorem, introduxit, quem Papistæ sequuntur, cum ex Evangelicis multi adhuc Veterem retineant, Causasq. non recepti Novi Calendarij habeant & assignent. De quo Springe- rum & Cranium depac. Relig. Arumæum in disp. d. Jur. publ. T.2. dif. 10. t. 32. Arcularium in thesib. Reinking. l. 3. d. reg. secul. clas. 1. c.2. aliosque vide.

22. 6. Magi an Reges fuerint, & vnde venerint? Papistæ & Patres quidam reges censent, & in Cantico, Puer natus, Reges de Sabâ veniunt, canitur. Sed Scriptura Magos, non Reges vocat, Matt. 2. v. 1. Qui Persarum Sapientes & consiliarij erant: Et Mantuanus Papista in fastis, Nec reges, ut opinor, erant, Nec enim tacuissent Historiæ sacræ aucthores genus istud honoris, scribit: ac Maldonatus in c. 2. Matth. probabili tantum opinione id à Papistis teneri, ac multos Catholicos scriptores contrarium sentire ait. Jansenius ex Bileami posteris fuisse, & Bileamum ipsum magum fuisse putat. Rat. Concord. c. 9. Et utraq; Saba, sive Æthiopia, sive Arabia, respectu Hierosolyma ad meridiem fuit. Evangelista autem ex Oriente ipsos venisse dicit, qualis Persia ejusq. regiones fuerunt, vnde venisse & vox Magorum Persis propria, & cultus adorationis, Christo ut regi, exhibitus, moribus Persarum etiam usitatus, & non sine munere oblato adventus, quod etiam Persis familiare erat, ostendunt, & multi Patres, ut communem opinionem, tradunt. Ex Susis Persarum vel simili urbe fortè venerunt. Possunt & hic plura quæri. Vt, An Magi malefici & incantatores fuerint? Quot eorum fuerint, an tres, ut vulgò sentitur, an plures aut pauciores? Quomodo ex Stella apparitione præcisè cognoverint, Novum Regem Indæorum natum? Quæ & qualis illa stella fuerit, an atheria, an elementaris, an prorsus singula-

vis, an angelus aliquis? An ad eam rectè vaticinium Bileam accommodetur, Num. 24. v. 17. An per totum iter Magus praluxerit? Quando & quoto post Christum natum tempore Magi venerint? Quamdiu in itinere fuerint, an per 13. dies, an per annum integrum, ut alij volunt? Cur Hierosolymam primùm, non statim Bethlehemum, venerint? Quamdiu ibi morati fuerint? Cur Herodes & Hierosolymitani nuntio eorum audito externati fuerint? Cur pueros à bimatu & infra Herodes occidi iusserit? Et similia. Sed brevitatis ergo alioisum sunt differenda.

23. 7. Purificationis festum Cur Veteribus Græcis hypapantè, vel hypantè dictum? Fuisse ita dictum ex Cedreno, Nicephoro, Micrologo, Couarruvia T. 2. l. 4. c. 19. n. 8. & Casaubono ex. 2. con. Baron. s. 12. aliisque constat. Ratio est, Quia Simeon tùm Christo ex Spiritu S. occursum in templo, cumq; ibi presentatum in vlnas recepit, & ex eodem Spiritu ventura de eo prænuntiavit. Hypapante autem vel hypantè nil aliud, nisi occursum, vel processio & obviatio est. Vnde panegyricas Orationes, quibus Principes in urbem venientes excipimus, hypapante interdum inscriptas videmus. Monere voluerunt Veteres, & nos ita Christo in templis spiritualiter occursum, atq; in vlnas fidelis animi amplecti debere. Postea in Papatu festum Candelarum est dictum, varijque cereorum consecrandorum ritus & abusus introducti, ac ad gentilium imitationem usurpati sunt. Vnde Germanicè Lichtmess vocatur. De quo & ritibus festi Durandus l. 7. Ration. c. 7. Baronius not. ad martyrolog. Roman. Ceremoniale Romanum l. 2. aliq; videantur. Quidam sub Iustiniano Imperatore institutum festum putant. Alij autem longè antiquius illud esse contendunt, & sub Chryostomo jam viguisse ajunt, de quo Bellarminus l. 3. d. cult. Sanct. c. 16, legi potest. De quo aliàs.

24.
 rification
 non agn
 stillatore
 tum, Ba
 factum a
 gat, &
 24. Non
 Papiſtis M
 tem legis
 ra subſtitue
 Nec ita p
 rare potu
 dem accep
 verſa ero
 DEL in o
 in c. 2. I
 praeumib
 nunt, aut
 tratur, C
 accuratam
 deraris.
 pauper &
 cepta agn
 ſtam, per
 devotiore
 latione gr
 ria, ut p
 aut colun
 ratione,
 jam adera

24. 8. An ex paupertate Maria parturiturum in purificatione, quod pauperum munus erat, Lev. 12. v. 8. non agnum, quod ditionum, v. 6. obtulerit? Apud Po-
 stillatores, *itemq;* Stellam, Tolecum, Gualterum, Tosta-
 rum, Barradium, *aliosq;* hoc classicum est, qui paupertate
 factum ajunt. Sed nec Lucas id dicit, sed nudè legem alle-
 gat, & secundùm eam facere Mariam voluisse ait, c. 2. v.
 24. Non determinando, quid præcisè obtulerit, Quod ex
 Papiſtis Maldonatus in c. 2. Matth. v. 11. concedit: Et par-
 tem legis per concisionem sacris usitatam Lucas allegat, cæte-
 ra subticendo, & ex lege ipsâ, ut arcessantur, relinquendo:
 Nec ita pauper eo tempore erat Maria, ut non agnum compa-
 rare potuerit, Cum regia dona à Magis Persarum non ita pri-
 dem accepisset, Matth. 2. v. 11. Qua in usus pauperum uni-
 versa erogasse, ut etiam non tantum sibi retinuerit, quo legi
 DEI in offerendo agno ex more satisfacere licuisset, ut Stella
 in c. 2. Luc. v. 24. Barradius in harmon. T. 1. l. 10. c. 2.
 præcuntibus Tostato, Bonaventurâ, Carthusiano, repo-
 nunt, aut omnia DEO consecrassè, ut Maldonatus c. l. arbi-
 tratur, Cui credibile fiet, Qui pietatem Maria & Iosephi, ac
 accuratam legis, etiam in ceremonialibus, observantiam consi-
 derârît. V. Luc. 2. v. 21. 22. 41. Si ratione status sui, qui
 pauper & tenuis, ita offerre voluisse dicas, etsi per dona ac-
 cepta agnum offerre licuisset, considerandum erit, pauperem
 statum, per regia dona in sublime à DEO evedctum, si pius sit,
 devotiore animo eam benignitatem agnitorum, & majore ob-
 latione gratitudinem suam DEO declaraturum, quod de Ma-
 ria, ut pÿssimâ, omninò cogitandum. Rectius ergo turtures
 aut columbas hic oblatas, non agnum, dicitur, ex mysticâ
 ratione, quia verus ille DEI agnus peccata mundi laturus
 jam aderat, & in templo Deo sÿstebatur, eoq; typicum agnum
 D offerre

offerre nihil opus fuisse, cum antitypicus jam adesset, finem typis & umbris omnibus impositurus: sed per columbarum sacrificio satisfacere poterat. Origines hom. 24. in Lucam more suo ad allegorias delabitur, & columbas hic non reales & physticas alites, sed mysticas & spirituales fuisse dicit, Vellut Spir. S. specie columba quondam apparuit. Sed vana hec esse, Scriptura ac ritui purificationis à DEO prescripto, Lev. 12 & à p̄ys congruenter observato, adversa, palam est. 9. Pro quo oblatio hæc facta, an pro Mariâ, an Christo, an utroque? Quadam Exemplaria in Græco ἀντων legunt, purificationis eorum, ut Maria & Christus simul comprehendantur: Alia ἀντῆς, ut sola Maria. Et hoc rectius. Nam pro muliere purificandâ lex posita erat, non nato, Lev. 12. v. 2. seq. Et Christus sanctusissimus erat, purificationis nullius indigus: Siftendus erat, ut primogenitus, Exod. 13. v. 2. 15. Qui ex semine David erat, omnium primogenitorum legis verus antitypus, verusq; sacerdos Dei futurus: sacrificio purificationis opus non habebat. Maria etiam lege non tenebatur; quia non à Viro imprægnata, de quâ lex loquebatur, Lev. 12. v. 2. Paruit tamen, ut & obedientie promptitudinem ostenderet, & peccati fœditatem representaret, & ne Judæis scandalum poneret, ac calumniandi ansam daret.

25. Remotiora Consequencia sunt, quæ longiùs ab ipsa Nativitate distant. Suntque vel Biblica, ut Educatio Christi, fuga in Ægyptum, in templo disputatio, ministerium, passio, resurrectio, ascensio: &c, Vel Civilia, quæ in Civili vitâ post Natum Christum fieri animadvertuntur, vel saltem creduntur. Et quia duplicia, quædam, quæ sunt, alia, quæ fieri existimantur, in vera & putatitia hæc dividere possumus. Vera, quæ citra figmentum esse aliquod habent. Suntq; vel res, vel notiones quædam. Res, quæ factis

factis aut
lium poi
defectus.
cerum d
leges. Est
assignand
pro causâ
oracula re
& anse C
nius ex C
su desisse
illa tempo
Versu red
cit, Cur il
su nempe.
la. Et Bar
spondisse.
cum inscri
omnia fabu
Suidæ sum
dem non m
habent.

26. 2
tempore i
sio, quâ p
minum in
die in con
liter contin
c. 7. Cicero
Bartholin
deri possit,

factis aut naturâ constant. Talia sunt I. Oraculorum genti-
 lium post natum Christum totalis tandem & successivus
 defectus. De quo Plutarchum lib. 2. de Orac. defectu, Peu-
 cerum de divinat. & Ciceronem lib. d. divinat. aliosque
 leges. Ethnici mirificè se torquent, in causâ istius defectus
 assignandâ. Plutarchus magnum DEum Pana mortuum esse
 pro causâ habitum fuisse ait: Vel quòd semi DEi fuerint, qui
 oracula reddiderint, qui tandem finem habuerint. Quidam
 & ante Christum natum Delphicum desysse ajunt, ut Baro-
 nius ex Cicerone l. d. divin. Sed ex Plutarcho constat, ver-
 su desysse responsa reddere, non simpliciter: Et multos post
 illa tempora Delphis responsa tulisse historia testatur, ac
 Versu reddi desysse, tantum Ciceronis verba volunt, cum di-
 cit, Cur isto modo jam oracula Delphis non redduntur. Ver-
 su nempe. Sub Trajano postea paulatim conticuerunt Oracu-
 la. Et Baronius aliàs Apollinem Augusto Gracis verbis re-
 spondisse narrat. Unde Augustus aram in Capitolio sacravit,
 cum inscriptione: Ara primogeniti DEi. Quanquam ista o-
 mnia fabulosa, & fabulorum compilatorum, Nicephori &
 Suidæ sunt, qui, ut novi scriptores, de re tam antiquâ fi-
 dem non merentur, & in Antiquitate testimonia idonea non
 habent.

26. 2. Succorum è radicibus arborum sub brumæ
 tempore in superiora ascensio, foliorum oleæ conver-
 sio, quâ pars superior inferior, & vicissim, fiat, item se-
 minum in malis inversio, quæ mediis inclusa brumali
 die in contrarias partes se vertant. Hæc enim tanquam rea-
 liter contingant, à nonnullis assignantur, ut Gellio l. 9. N. A.
 c. 7. Cicerone 2. d. divinat. Keckerman. d. 5. Curs. Phil.
 Bartholino n. 191. Astrolog. aliisque. Dubium tamen vi-
 deri possit, an vera hæc, si frigoris intensioem circa hæc tem-

pora consideremus. In interiora enim & inferiora vi frigoris succos & semina potius constringi, quam ad superiora revocari, credibilis sit, cum frigus intro pellere, non Calorē evocare compertum sit, ut alibi dictum. 3. Frigoris in aëre post Natalicia frequens intensio. Secundum illud Germanorum: Wenn sich die tage lengen/ pflegt sich die Kälte zu strengen, Queritur, quæ ratio sit? Vel, quod per astatem & autumnum terra calore solis satis percocta, ad initium hyemis calorem aliqualem adhuc retinere possit, prius quam tota frigore perstringatur, & sic sub brumam tepidior aër esse possit, qui postea divitius terra frigoribus perstricta frigidior evadit, & frigus intensius fieri incipit, quod Ianuario ac Februario mensibus contingit. Ita fornax bene calefacta calorem aliquem ad tempus retinet, etiamsi pruna omnes cineribus sopita sint, Vnde hypocaustum adhuc tepidius. Sed frige facta totaliter fornace & hypocausti aër in frigore intendi animadvertitur. Idem de terra divitius caloris percocta sub Canicularib. astus intendente procedit, etsi tùm Sol longè humilior, ac Iunio mense sit: Vel, quod Dei & Natura potestati hoc adscribendum sit, qui Deus frigora intendit, quando & ubi vult, pro libero beneplacito. Vnde Scriptura frigora notanter illi adscribit, Job. 39. v. 9. 10. c. 38. v. 22. 23. 29. 30. Psal. 147. v. 17, Sirach. 43. v. 21. 22. Ita Martio & Aprili intensissima interdum frigora emittit, Vi dec. 1. Misc. d. 2. c. 15. ostensum. Et in savissima illa Anni 1675. hyeme, Martio mense tantum frigus hic sensimus, ut vix fenestra eliquari à glacie potnerint, ut Ianuario ac Februario sapius longè moderatius sit. Cromerus ultimam Martij tantum frigus in Masoviâ aliquando fuisse narrat, ut Vistulam per firmam glaciem cum quadrigis & equitibus transferit, ac in Prussia piscatio glacialis praterita ium hyeme per iotum Martium perduravit. l. 1. de mor. & situ Polon. p. 21.

minibu
vel mo
sunt ær
ra nati
Chronol
sum esse
tur. Ali
rem esse
numera
dius, alij
alii con
totig. Ec
Græcos, 2
ceteras a
ni, Indici
Vide nyp
nologic
ras aras
annos Na
Babyloni
Persicam
ut Func
Helvicu
Tract. de
28.
signa con
res anim
cumprim
nem Chri
plam, &

27. *Sic res fuerunt: Sequuntur Notiones, quæ ab hominibus ad res adhibentur. Hæ vel æræ Chronologica, vel modi quidam loquendi sunt. Æræ Chronologicae sunt æra nati Christi, & ejus ad reliquas æras collatio. Æra nati Christi quæ & quantæ hucusq; sit, acriter inter Chronologos disceptatur. Vulgò annum 1642. post natum Christum esse dicimus, & hæc æra communis & Dionysiana dicitur. Alij tamen veram esse negant, & 2. vel 3. annis majorem esse censent, ut 1644. vel 1645. jam verè à nato Christo numerandum sit, Vt Scaliger, Calvisius, Helvicus, Alstedius, alijque, & hæc æra peculiaris ac Scaligerana dicitur. Sed alii communem æram omninò legitimam esse censent, totiq; Ecclesiæ Catholicae propriam & usitatam, Ecclesiæ etiam Græcas, Turcicas, Judaicas, ad hanc sua attemperare, omnesq; cæteras æras, ut Hispanicam, Augusti, excidij Hierosolymitani, Indictionum, Actiacam, Olympiadum, cum eâ consentire. Vide nuperè hæc disceptantem Helvigium in dissertat. Chronologicis an: 1634. Rostochij editis. Collatio ejus ad cæteras æras est, quæ ad annos Mundi, Olympiades, Indictiones, annos Nabonassari, 70. hebdomadas Danielis, Captivitatem Babylonicam, Excidium Hierosolymitanum, æram Turcicam, Persicam, Arabicam &c. attemperatur. De quo Chronologos, ut Funccium, Buntingium, Scaligerum, Calvisium, Helvicum, Behmium, Alstedium, Henr. Philippi in Tract. de annis nati & passi Christi, aliosq; consule.*

28. *Ita æræ fuerunt: Sequuntur modi loquendi, qui signa conceptuum sunt, & noëmata, quibus inter doctiores animi sensa pro meliore captu exprimi solent. De his cum primis sequentia quaruntur. 1. An recte dicatur, Carnem Christi in cœlo formatam indeque in Mariam delapsam, & sic ex eâ editam esse? Weigeliani, Anabaptista,*

Paracelista & fanatici communiter affirmant, & ex Joh. 6. v. 51. 58. probant, Sed id contra Scripturam est, quæ Christum ex Mariâ virgine natum dicit, Gal. 4. v. 4. & fructum ventris ejus appellat, Luc. 1. v. 42. V. S. 14. Quomodo nemo in sacris vocatur, qui non ex eo ipso substantiam suam hauserit; ac in Symbolo Apostolico aperte id profiteamur: Non a verè ex aliquo nascitur, qui substantiam suam aliunde, & non ex illo ipso, traxit. Sic aqua non ex canali nascitur, & si per eum delabatur. Punctum a. aliquod Symboli Apostolici negare aut detorquere, hæreticum facit, hoc n. fundamenta fidei Christiana puncta continet. Et Joh. 6. Caro Christi cælo venisse dicitur, non quod substantiam ibi jam formatam habuerit, indeq; in Mariam demissa fuerit, ut fanatici volunt: Sed quod cælesti vi à Spir. S. in Mariâ concepta sit, cum sine viro per naturæ vim concipere ei impossibile esset, cum pura Virgo existeret, Matth. 1. v. 18. 20. Luc. 1. v. 35. Sic Baptismus Johannis de cælo, Matt. 21. v. 25. Non quod essentiam in cælo habuerit, cum in terrâ demùm eam acceperit; Sed quod institutionem & efficaciam à cælo habuerit, & divinitus jussus ac mandatus fuerit. Luc. 3. v. 2. Joh. 1. v. 33. 2. An Mariam instrumentum vel causam instrumentalem Christi dicere liceat? Sic quidam. Sed loquendi modo incommodo. Parentes liberorum suorum principales, non instrumentales, cause sunt, etsi in ordine causarum secundarum, dependentium, & creatarum, non increata & prima, qualis DEVS, generalis omnium Pater, Mal. 2. v. 10. Nec dependentia à primâ causâ tollit, quo minùs aliquid principalis sui effecti causa dici possit, Vi in Metaphys. docetur. Et Maria vera Mater Christi est. Instrumentales causa propriè virtutes generativa, calores naturales, semina animalia, similiaq; ad generandum conducentia sunt, per quæ, ut instrumenta aut materias, parentes liberos suos producant.

29
 aut divi
 sunt. Ve,
 tura, gig
 Misc. D.
 notes, non
 rus Deus
 rum exem
 superstitio
 rum qua
 vocibus de
 lior, depe
 principium
 figmenta n
 talibus vo
 sticis, Chr
 Poëtis voc
 ab infideli
 habendum
 deos respici
 Christus S
 deli concip
 mannus o
 gegenbert c
 terdam hab
 inveniri, u
 etus dici po
 no fructifica
 non Christu
 novam Cre
 alle viuu, no

29. 3. An Christum heroem, auspicem, gigantem, aut divum vocare liceat? *Classica haec apud Christianos sunt. Vt, Christo duce & auspice Christo, heros duplicis Naturae, gigas ille geminae substantiae, &c. De heroe Dec. 3. Misc. D. 5. t. 23. dixi. Si semideum & gentium figmentum nolet, non heros Christus est, à nobis n. non semideus, sed totus Deus estimatur: Si extraordinarium Virtutum & gestorum exemplar, potest. Auspiciis vox similiter impietatis & superstitionis gentilitiae vocabulum est, eoque ad Christum parum quadrat, & qua analogia in eo esse possit, melioribus vocibus de Christo enuntiari potest. Notio a. quâ datur melior, deponenda, & melior assumenda est, habes primum principium. Gigas, si Centauros, fera monstra, aut Poëtarum figmenta nolet, etiam non ad Christum quadrat. Rectius ab talibus vocib. abstinebitur, & Biblicis, aut moderatis Ecclesiasticis, Christianus contentus fuerit: Nec ad laudem Christi à Poëtis voces emendicare in Theologiâ opus existimemus: Et ab infidelibus in irrisum ea rapi possunt. Idem de voce divi habendum, si fictitiam gentilium apotheosin, aut heroës semideos respiciat, quod ex usu gentilium factum. 4. Rectenè Christus Spiritualis animi fructus vocetur, in animâ fidei concipiendus, ex eâ spiritualiter gignendus? Ita Rathmannus olim locutus in *Jugendspiegel* Conc. 21. 22. Et gegenber: con: Censur: n. II, 16. Alij Orthodoxi similia interdum habent. Potestq; qualiscunq; sensus Orthodoxus verbis inveniri, ut omne id, quod in aliquo fructificare debet, fructus dici potest. Christus a. natus, spiritualiter in nobis omnino fructificare debet: Tutius tamen abstinetur. Scriptura non Christum ex nobis, sed nos in ipso spiritualiter renasci, & novam Creaturam fieri dicit. Gal. 6. v. 15. 2. Cor. 5. v. 17. Ille vitis, nos palmites, & succum ex eo trahimus. Joh. 15. v. 2. seq.*

seq. Nos ipsius fructus, non ille noster. Nec Christus. Spirituale semen est, ut ex nobis nascatur: sed verbum Dei, ex quo nos regimur, Matth. 13. v. 19. Luc. 8. v. 11. V. S. 3. Christus seminator est, non semen. Matth. 13. v. 41. Et spiritualis generatio beneficium Christi in nos derivatum, non opus aliquod à nobis in Christum redundans est, ut is spiritualis noster fructus indè denominari possit. In nobis spiritualiter Christus nasci potest, & speciem ac formam per Verbum predicatum & consideratum velut accipere, quò iterum depingatur, & velut ante oculos ponatur, Gal. 3. v. 1. c. 4. v. 19. Ex nobis non potest. Plura, quæ hic quæri possent, aliàs.

30. Ita consequentia civilia vera fuerunt: Putantia sunt, quæ nato Christo posterioribus seculis contingere vulgò putantur, cum reverà non contingant. Hac sequentia sunt. 1. Bruta omnia nocte concubiâ Natalitia antecedente surgere, & stare, quasi in honorem nati Christi. At & alijs noctibus id faciunt, vel pabuli ultimi, vel comedendi, vel alius commodi gratiâ, vel consuetudine quadam, si animadvertas. 2. Aquam sub medium noctis Natalitiæ per horam unam in vinum transmutari. At & hoc commentitium est, & experientiâ teste falsi revincitur. Nec quisquam hodiè facile ita stolidus, ut experiri de novo sustineat, nisi fortè risum alijs mouere velit. 3. Sphæram Solis & Stellarum à nato Christo humilius defedisse, terraq; propinquirem factam esse. Sed & hoc dubium est, cum nec natura cæli salem declinationem ferat, & æqualitas motuum ac observationum cælestium, præscorum observationi consentiens, repugnet.

31. 4. Homines in Livoniâ, Curlandiâ, Russiâ, & vicinis circa Natalitia in lupos transmutari, strages hominum ac brutorum edere, cursuq; peracto suo tempore in hominis formam redire, & ad sua reverti. Germani Beero

wölfe

wölfe ve
minum co
feriâ, hon
culiari di
habitâ plu
fo fuerit,
quos vulg
sum furi
patet, par
nalogia Ph
jus ratio d
nulla sit eff
sum præci
dum ac rar
mensis præ
vilunij de
tim, quod
immane fr
& 7. mense
tur, talem
ensum gelu
præfagierit
sum ac pal
nommen.
irâ jam tun
nulla sit præ
unus quadr
Ephiphania
gallum pro
plus minu
litiis Chris
sceptata suff

wölfe vel Waarwölfe tales vocant. Sed & hac partim hominum commenta, partim Sathana ludibria, quibus barbaris ferisq; hominibus illudit, esse, historiae palam evincunt, ac peculiari disputatione de Magicis actionibus *Witteberge* olim habitâ pluribus docui, & novâ aliquâ repetitione, ubi occasio fuerit, docere potero. 5. Ex 12. diebus post Natalitia, quos vulgus die *Zwölften* / vocat, de tempestate 12. mensium futuri anni praesagium capi posse. Et hoc vanum esse patet, partim, quod nulla inter dies istos & futuros, menses analogia Physica aut Mathematica, nullaq; connexio sit, aut ejus ratio dari possit: partim, quod numerorum in se & ex se nulla sit efficacia: partim, quod nec dies cum novilunijs mensium praecise connexi sint, ut calculus ostendit: & licet interdum ac raro sint, nondum sufficiens hinc de tempestate totius mensis praesagium peti possit, cum nec ex tempestate ipsius novilunii de tempestate totius mensis tuto judicare liceat: partim, quod absurda hinc consequantur. Si enim 30. 31. Decemb. immane frigus & nix sit, quod interdum contingit, an & 6. & 7. mense, h. e. Junio ac Julio, quos isti dies signare dicuntur, talem tempestatem ridiculi praedicent? Si 1. Januarij intensus gelu, an & Augusto mense idem? Nemo prudens talia praesagierit. 6. Diem à Natalitijs ad Epiphania galli progressum ac passum accrevisse, habebit 1. *Habnenschritt zuge nommen*. Et hoc futile est, cum ad quadrantem hora & ultra jam tunc accreverit, & inter quadrantem ac passum galli nulla sit proportio, cum prolixum passum esse oporteat, qui unus quadrante horario perficiatur. Rectius diem à Natali ad Epiphania tantum galli quotidie increstere dicitur, gallus n. gallum prolixitate aut brevitate cantus superat. Sic & dies plus minusve profectu locorum quotidie increstet. Haec de Natalitijs Christi in gloriam Nati nostri Servatoris hac vice disceptata sufficiant.


Adjectaneum.


Cum de modis loquendi quadam §. 28. 29. sint addu-
 sta, & §. 13. Christum filium Dei naturalem esse statutum sit,
 quaritur, an & hic modus loquendi, Christum quâ homi-
 nem s. secundum humanitatē esse naturalem Dei filium,
 licitus esse possit? Sunt, qui affirmant, ne in errorem Felicis
 Orgelitani in Concilio Francofurtensi Anno 794. damnatum
 incurrant, qui duos filios in Christo statuit, naturalem, qui
 Deus, & adoptivum, qui homo. Alii negant, accuratē ita di-
 ci, quod filius Dei naturalis ab aeterno ex essentiâ Patris ge-
 nitus, essentialis Deus, aeternus, & patri aequalis esse debeat,
 Quæ Christo, ut homo est, vel secundum humanitatem, non
 possint tribui, ut in quâ minor Patre sit, Joh. 14. v. 28. V. D. Jac.
 Mart. l. 3. Pædi. c. 7. & l. 5. c. 5. Scharffium l. 3. Logic. instit.
 c. 11. aliosque. Tutissimè dicitur, sensum istius proposi-
 tionis, Christus secundum humanitatem est naturalis Dei fi-
 lius, accuratē evolvendum esse. Si verè restrictivus esse de-
 beat, alienus est: nec enim specificativo, nec reduplicativo mo-
 do procedit, ut inductione constat. Si apparenter, & reipsâ
 descriptivus subjecti sit, ut sensus sit, Christus, qui homo est,
 vel humana naturâ præditus est, est filius Dei naturalis, sed
 secundum divinitatē, verissimus est, & nec duos filios Dei cum
 Nestorio introducit, nec Adoptivum filium cum Felice concede-
 re cogitur. Accuratē loquendo secus: human: personaliter est filius
 Dei. Sic Chr. qui homo est, ab aeterno est, creavit cælum & ter-
 ram, sed secundum Deitatem. Et ubi inferre velimus, non li-
 cet Novam determinationem adijcere Minori, quæ non
 erat præmissa in Majore, ut dec. 1. Mis. d. 7. r.

14. 15. 16. ostensum.

GLORIA IN EXCELSIS DEO.







Biblioteka Jagiellońska



stdr0019288

